

IV

Komisija za izbor će putem pisane preporuke predložiti Ministru zdravstva Kantona Sarajevo rang liste kandidata sa najboljim kandidatima za imenovanje na pozicije dva (2) člana Upravnog odbora i dva (2) člana Nadzornog odbora Zavoda za zdravstvenu zaštitu radnika u saobraćaju - Sarajevo, ispred Kantona Sarajevo.

Pisane preporuke Komisije za izbor, upućene Ministru zdravstva Kantona Sarajevo, sadržavat će sve relevantne informacije o predloženim kandidatima, po redoslijedu sa lista o użem izboru.

V

Komisija za izbor će svoje zadatke obavljati izvan redovnog radnog vremena, te shodno tome predsjednik i članovi komisije imaju pravo na naknadu za rad u komisiji, koju će Vlada Kantona Sarajevo utvrditi posebnim rješenjem.

VI

Stupanjem na snagu ovog rješenja stavlja se van snage Rješenje broj 02-04-20946-9/23 od 12.05.2023. godine.

VII

Ovo rješenje stupa na snagu danom donošenja, a isto će se objaviti u "Službenim novinama Kantona Sarajevo".

Broj 02-04-14135-23/24
21. marta 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 101. Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11, 36/18 i 61/22), člana 12. tačka 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 16. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", broj 4/00, 18/02, 30/08, 1/12, 15/13 i 9/22), kao i Odluke o kriterijima za nominiranje/imenovanje članova Upravnog odbora Zavoda zdravstvenog osiguranja Kantona Sarajevo, kojeg je osnivač Kanton Sarajevo ("Službene novine Kantona Sarajevo", broj 25/16 i 22/19), na prijedlog Ministra zdravstva Kantona Sarajevo Vlada Kantona Sarajevo, na 17. sjednici održanoj 21.03.2024. godine, donijela je

RJEŠENJE**O IMENOVANJU ČETIRI (4) ČLANA UPRAVNOG
ODBORA ZAVODA ZDRAVSTVENOG OSIGURANJA
KANTONA SARAJEVO**

I

Imenuju se članovi Upravnog odbora Zavoda zdravstvenog osiguranja Kantona Sarajevo, i to:

- Mr. sci. med.dr Edin Avdagić, spec, radiologije - član,
- Mr. sci. med.dr Emir Kurtalić, spec. interne medicine - član,
- prim. mr. sci. med. dr Aida Đurđević, spec. ginekologije i akušerstva - članica,
- prim. mr. ph Indira Fazlagić, spec. - članica.

II

Mandat imenovanih članova Upravnog odbora iz tačke I ovog rješenja traje do isteka mandata Upravnog odbora Zavoda

zdravstvenog osiguranja Kantona Sarajevo imenovanog Rješenjem Vlade Kantona Sarajevo broj 02-04-22133-5.2/21 od 20.05.2021. godine.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-14135-24/24
21. marta 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 8. Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", broj 39/08, 19/11, 45/15 i 33/21) i člana 10. stav (1) Uredbe o osnivanju Štaba civilne zaštite Kantona Sarajevo ("Službene novine Kantona Sarajevo", broj 24/13, 7/16, 27/19, 41/21 i 3/23) Vlada Kantona Sarajevo, na 17. sjednici održanoj 21.03.2024. godine, donijela je

RJEŠENJE**O DOPUNI RJEŠENJA O POSTAVLJENJU
KOMANDANTA, NAČELNIKA I ČLANOVA ŠTABA
CIVILNE ZAŠTITE KANTONA SARAJEVO**

I

U Rješenju o postavljenju komandanta, načelnika i članova Štaba civilne zaštite Kantona Sarajevo ("Službene novine Kantona Sarajevo", broj 50/23) u tački III, iza podtačke 13. briše se interpunkcijski znak tačka, dodaju se interpunkcijski znak tačka-zarez i podtačke 14. i 15. koje glase:

- "14. Kemal Cacan, komandant Profesionalne vatrogasne jedinice;
15. Bilsena Šahman, pomoćnik ministra u Ministarstvu zdravstva Kantona Sarajevo."

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-14135-28/24
21. marta 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

**Ministarstvo za rad, socijalnu politiku, raseljena lica i
izbjeglice Kantona Sarajevo**

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 32. i 34. Zakona o hraniteljstvu u Federaciji Bosne i Hercegovine ("Službene novine Federacije BiH", broj 19/17) i čl. 12., 13. 129., i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17, 28/18, 52/21 i 40/22), ministrica za rad, socijalnu politiku, raseljena lica i izbjeglice Kantona Sarajevo, donosi

INSTRUKCIJU**O IZNOSIMA NOVČANIH DAVANJA PO ZAKONU O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI PORODICE SA DJECOM****I – OSNOVNE ODREDBE**

Član 1.

Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 – Prečišćeni tekst, 38/16, 44/17, 28/18, 52/21 i 40/22) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj (2023) godini pomnožena sa odgovarajućim koeficijentom, koja prema Odluci o visini koeficijenta za obračun prosječne neto plaće ostvarene u Kantonu Sarajevo u 2023. godini ("Službene novine Kantona Sarajevo", br. 11/24) iznosi 800,00 KM (u daljem tekstu: prosječna neto plaća). Izuzetno, kada se u pitanju hraniteljska naknada i naknada za izdržavanje hranjenika, novčana naknada plaće ženi majci u radnom odnosu i novčana pomoć ženi majci koja nije u radnom odnosu, osnov za utvrđivanje ovih novčanih iznosa je prosječna plaća u Federaciji Bosne i Hercegovine za prethodnu godinu koja se utvrđuje na osnovu posljednjeg objavljenog statističkog podatka Federalnog zavoda za statistiku za prethodnu godinu.

II – SOCIJALNA ZAŠTITA

Član 2.

(1) Stalna novčana pomoć

- Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 30% prosječne neto plaće – 240,00 KM, koji se za svakog narednog člana domaćinstva uvećava za 20% ovog iznosa - 48,00 KM.
- Za domaćinstva iz člana 18. stav 2. Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za 20% ovog iznosa - 48,00 KM.
- Iznos stalne novčane pomoći za jednog člana domaćinstva iznosi 240,00 KM, a za svakog narednog člana domaćinstva se uvećava za 48,00 KM.
- Za osobe iz člana 19. stav 2. Zakona, iznos stalne novčane pomoći uvećava se za 72,00 KM.
- U smislu člana 20. Zakona 60% prosječne neto plaće iznosi 480,00 KM, a 20% 160,00 KM.

(2) Novčana naknada za pomoć i njegu od strane druge osobe

Visina novčane naknade za pomoć i njegu od strane druge osobe u smislu člana 27. Zakona, pod uvjetom da prihodi po članu domaćinstva ne prelaze 40% prosječne neto plaće (320,00 KM) iznosi 120,00 KM.

(3) Druge materijalne pomoći

Jednokratna novčana pomoć dodjeljuje se korisniku u okviru jednog domaćinstva najviše tri puta u toku kalendarske godine, u ukupnom iznosu koji ne prelazi visinu izuzetne novčane pomoći iz člana 34. Zakona.

- Jednokratna novčana pomoć se dodjeljuje do visine 20% prosječne neto plaće 160,00 KM.

- Izuzetna novčana pomoć se dodjeljuje do visine 40% prosječne neto plaće 320,00 KM.

(4) Osposobljavanje za život i rad

Novčana naknada za vrijeme čekanja na zaposlenje u smislu čl. 42. i 44. Zakona iznosi 160,00 KM.

(5) Smještaj u hraniteljsku porodicu

Zakon o hraniteljstvu u Federaciji BiH ("Službene novine Federacije BiH", broj 19/17) (u daljem tekstu: Zakon o hraniteljstvu).

5.1. Hraniteljska naknada

Osnovica za utvrđivanje iznosa hraniteljske naknade u skladu sa Zakonom o hraniteljstvu je prosječna neto plaća isplaćena u Federaciji BiH prema objavljenom podatku Federalnog zavoda za statistiku za 2023. godinu iznosi 1.261,00 KM ("Službene novine Federacije BiH", broj 15/24).

- Mjesečna naknada hranitelju po jednom hranjeniku iznosi 15% od prosječne neto plaće isplaćene u FBiH u 2023. godini (1.261,00 KM), što iznosi 189,15 KM i uvećava se za svakog narednog hranjenika za 15%, što iznosi 28,37 KM (član 32. stav (3) Zakona o hraniteljstvu).
- Mjesečna naknada hranitelju koji obavlja specijalizovano hraniteljstvo iznosi 30% od prosječne neto plaće isplaćene u FBiH u 2023. godini (1.261,00 KM) što iznosi 378,30 KM i uvećava se za 20% za svakog narednog hranjenika, što iznosi 75,66 KM (član 32. stav (4) Zakona o hraniteljstvu).
- Mjesečna naknada za hranitelja koji istovremeno obavlja tradicionalno i specijalizovano hraniteljstvo utvrđuje se na način da se kao polazna osnovica uzima mjesečna naknada za specijalizovano hraniteljstvo koja iznosi 378,30 KM i uvećava se za 15% za hranjenika korisnika tradicionalnog hraniteljstva što iznosi 56,75 KM, odnosno za 20% za hranjenika korisnika specijalizovanog hraniteljstva što iznosi 75,66 KM (član 32. stav (5) Zakona o hraniteljstvu).
- Hranitelj koji obavlja srodničko hraniteljstvo ima pravo na hraniteljsku naknadu, pod uvjetom da između hranjenika i hranitelja ne postoji obaveza izdržavanja prema Porodičnom zakonu Federacije BiH (član 32. stav (6) Zakona o hraniteljstvu).

5.2. Naknada za izdržavanje hranjenika

Osnovica za utvrđivanje iznosa naknade za izdržavanje hranjenika u skladu sa Zakonom o hraniteljstvu je prosječna isplaćena neto plaća u Federaciji prema objavljenom podatku Federalnog zavoda za statistiku za 2023. godinu iznosi 1.261,00 KM ("Službene novine Federacije BiH" broj 15/24).

- Iznos mjesečne naknade za izdržavanje hranjenika za tradicionalno hraniteljstvo iznosi 30% od prosječne neto plaće isplaćene u FBiH u 2023. godini (1.261,00 KM), što iznosi 378,30 KM (član 34. stav (3) Zakona o hraniteljstvu).
- Iznos mjesečne naknade za izdržavanje hranjenika za specijalizovano hraniteljstvo iznosi 50% od prosječne neto plaće isplaćene u FBiH u 2023. godini (1.261,00 KM), što iznosi 630,50 KM (član 34. stav (3) Zakona o hraniteljstvu).

(6) Smještaj u javne ustanove socijalne zaštite u Kantonu Sarajevo

Cijena usluga koje pruža socijalna ustanova utvrđena je Zaključkom Vlade Kantona Sarajevo posebno za svaku ustanovu.

(7) Kućna njega i pomoć u kući

Kućna njega i pomoć u kući odobrava se u skladu sa članom 59. do zaključno sa članom 63. Zakona, a iznos je utvrđen Zaključkom Vlade Kantona Sarajevo.

(8) Zdravstvena zaštita

Zdravstvena zaštita za korisnike stalne novčane pomoći i lica iz člana 146. Zakona, po prijavljenom licu iznos 20,00 KM.

III – ZAŠTITA CIVILNIH ŽRTAVA RATA

Član 3.

U skladu sa članom 129. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 –Prečišćeni tekst, 38/16, 44/17, 28/18, 52/21 i 40/22) zdravstvena zaštita po prijavljenom licu za civilne žrtve rata iznosi 20, 00 KM.

IV – ZAŠTITA PORODICE SA DJECOM

Član 4.

(1) Dodatak na djecu

- Iznos dodatka na djecu (7% od prosječne neto plaće, član 136. stav (3) Zakona) 56,00 KM,
- Iznos uvećanog dodatka na djecu, za svako dijete (član 136. stav (4) Zakona) 84,00 KM,
- Iznos uvećanog dodatka na djecu za troje ili više djece, za svako dijete (član 136. stav (5) Zakona) 61,60 KM,
- Iznos uvećanog dodatka na djecu (član 136. st. (4) i (5) Zakona) 92,40 KM.

(2) Dječiji dodatak za vrijeme redovnog studiranja

- Ukupni mjesečni prihod po članu zajedničkog domaćinstva kao uslov za ostvarivanje prava na dječiji dodatak za vrijeme redovnog studiranja ne prelazi 40% najniže plaće u Federaciji Bosne i Hercegovine (član 141. stav (1) Zakona) 247,60 KM,
- Iznos dječijeg dodatka za vrijeme redovnog studiranja (član 141. stav (2) Zakona) 117,61 KM.

(3) Naknada plaće ženi - majci u radnom odnosu

- Naknada plaće ženi-majci u radnom odnosu (član 149. stav (1) Zakona) 480,00 KM, s tim da ne može biti manja od najniže plaće u Federaciji Bosne i Hercegovine, a prema a prema Odluci o iznosu najniže plaće za 2024. godinu ("Službene novine Federacije BiH", broj 101/23) najniža plaća za period 01.01.2024. do 31.12.2024. godine utvrđena je u iznosu od 619,00 KM.
- Naknada plaće ženi-majci u radnom odnosu (član 149. stav (2) Zakona) 240,00 KM,
- Naknada plaće ženi-majci u radnom odnosu (član 153. stav (1) Zakona) 240,00 KM,
- Naknada plaće ženi-majci koja rodi mrtvo dijete ili dijete umre prije isteka porodiljskog odsustva ostvaruje se u iznosu naknade plaće ženi-majci koju ostvaruje i dodatne pomoći na ime brige i njege djeteta,
- Na iznos naknade plaće ženi - majci u radnom odnosu koju ostvaruje, uplaćuju se doprinosi za PIO/MIO,

zdravstvo i osiguranje od nezaposlenosti, te poreske obaveze u skladu sa Zakonom.

(4) Dodatna pomoć na ime brige i njege djeteta ženi - majci u radnom odnosu

- Žena-majka u radnom odnosu koja ostvari pravo na naknadu plaće, bez podnošenja zahtjeva ostvaruje pravo na dodatnu pomoć na ime brige i njege djeteta koja ne može biti manja od iznosa razlike prosječne plaće u Federaciji Bosne i Hercegovine za prethodnu godinu i iznosa naknade plaće. Prosječna plaća u Federaciji Bosne i Hercegovine za prethodnu godinu utvrđuje se na osnovu posljednjeg objavljenog statističkog podatka Federalnog zavoda za statistiku za prethodnu godinu, koji prema Saopćenju o prosječnoj isplaćenoj mjesečnoj neto plaći zaposlenih u Federaciji Bosne i Hercegovine za 2023. godinu ("Službene novine Federacije BiH", broj 15/24) iznosi 1.261,00 KM.
 - dodatna pomoć na ime brige i njege djeteta (član 149. stav (1) Zakona) 642,00 KM,
 - dodatna pomoć na ime brige i njege djeteta (član 149. stav (2) Zakona) 1.021,00 KM,
 - dodatna pomoć na ime brige i njege djeteta (član 153. stav (1) Zakona) 1.021,00 KM.

(5) Novčana pomoć nezaposlenoj porodilji

- Novčana pomoć nezaposlenoj porodilji isplaćuje se u visini 55% najniže plaće u Federaciji Bosne i Hercegovine (član 19. Zakona o materijalnoj podršci porodicama s djecom u Federaciji Bosne i Hercegovine) 340,45 KM.

(6) Dodatna pomoć na ime brige i njege djeteta nezaposlenoj porodilji

- Nezaposlena porodilja koja ostvari pravo na novčanu pomoć, ima pravo na dodatnu pomoć na ime brige i njege djeteta koja ne može biti manja od iznosa razlike prosječne plaće u Federaciji Bosne i Hercegovine za prethodnu godinu i iznosa novčane pomoći 920,55 KM,
- Nezaposlena porodilja koja rodi mrtvo dijete ili dijete umre u toku korištenja prava na novčanu pomoć nezaposlenoj porodilji ili prava na dodatnu pomoći na ime brige i njege djeteta ima pravo - iznos propisan za dodatnu pomoć na ime brige i njege djeteta 920,55 KM.

(7) Jednokratna pomoć za opremu novorođenog djeteta

(50 % prosječne neto plaće) 400,00 KM.

(8) Dodatna novčana pomoć na ime prehrane djeteta

ne može biti manja od 8% prosječne neto plaće i iznosi 64,00 KM.

(9) Smještaj djece u ustanovama predškolskog odgoja

Visina prihoda po članu domaćinstva vezano za ostvarivanje prava na subvencioniranje troškova boravka djeteta u predškolskoj ustanovi (35% prosječne neto plaće) 280,00 KM.

(10) Zdravstvena zaštita korisnika dodatka na djecu ili dječijeg dodatka 20,00 KM.**(11) Zdravstvena zaštita po prijavljenom djetetu iz člana 146. Zakona 20,00 KM.**

Član 5.

Danom stupanja na snagu ove instrukcije prestaje da važi Instrukcija o iznosima novčanih davanja po Zakonu o socijalnoj

zaštiti, zaštiti civilnih žrtava rata i zaštiti porodica sa djecom ("Službene novine Kantona Sarajevo", br. 14/23, 26/23 i 3/24).

Član 6.

Ova instrukcija stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.03.2024. godine.

Broj 13-02-12710/24
27. marta 2024. godine
Sarajevo

Ministrica
Enda Pavić Pečenković, s. r.

GRAD SARAJEVO

Gradsko vijeće

Na osnovu člana 7. Zakona o budžetima u Federaciji Bosne i Hercegovine ("Službene novine Federacije BiH", br.

102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) i člana 31. stav (1) tačka f) Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 38. sjednici održanoj dana 27.03.2024. godine, donijelo je

IZMJENE I DOPUNE

BUDŽETA GRADA SARAJEVA ZA 2024. GODINU

I. OPĆI DIO

U Budžetu Grada Sarajeva za 2024. godinu član 1. mijenja se i glasi:

"Član 1.

Budžet Grada Sarajeva za 2024. godinu iznosi **31.983.044 KM** i sastoji se od:

Opis	Izmjene i dopune Budžeta Grada Sarajeva za 2024 godinu
1. PRIHODI (1.1.+1.2.+1.3.)	24,267,616
1.1. PRIHODI OD POREZA (1.1.1. do 1.1.2.) 710000	18,378,484
1.1.1. Porez na imovinu 714000	9,200,000
1.1.2. Prihodi od indirektnih poreza 717000	9,178,484
1.2. NEPOREZNI PRIHODI 720000	1,172,000
1.3. TEKUĆI TRANSFERI I DONACIJE 730000	4,717,132
2. RASHODI (2.1.+2.2.+2.3.)	18,107,875
2.1. RASHODI 611000 do 614000 i 600000	17,421,734
2.2. KAPITALNI TRANSFERI I IZDACI 615000	454,141
2.3. IZDACI ZA KAMATE 616000	232,000
3. TEKUĆI BILANS (1.-2.)	6,159,741
4. IZDACI OD NABAVKE NEFINANSIJSKE IMOVINE 821000	12,965,169
5. NETO NABAVKA NEFINANSIJSKE IMOVINE (4.)	12,965,169
6. UKUPAN SUFICIT (3.+5.)	19,124,910
7. PRIMICI OD FINANSIJSKE IMOVINE I ZADUŽIVANJA (7.1.)	3,886,712
7.1. RAZGRANIČENI PRIMICI OD DOMAĆEG ZADUŽIVANJA ZA KAPITALNE PROJEKTE	3,886,712
8. IZDACI ZA FINANSIJSKU IMOVINU I OTPLATU DUGOVA (8.1.)	910,000
8.1. IZDACI ZA OTPLATE DUGOVA 823000	910,000
9. NETO FINANSIRANJE (7.-8.)	2,976,712
10. UKUPAN FINANSIJSKI REZULTAT (6.+9.)	22,101,622
11. OSTVARENI SUFICIT IZ RANIJEG PERIODA	3,828,716
SVEUKUPNI PRIHODI, PRIMICI, FINANSIRANJE I SUFICIT (1.+7.+11.+12.)	31,983,044
SVEUKUPNI RASHODI I IZDACI (2.+4.+8.)	31,983,044

"

U Budžetu Grada Sarajeva za 2024. godinu član 2. mijenja se i glasi:

*Član 2.

RAČUN PRIHODA, PRIMITAKA I FINANSIRANJA utvrđuje se, kako slijedi:

Ekonomski kod		Naziv stavke	Izmjene i dopune Budžeta Grada Sarajeva za 2024 godinu
1		2	3
		I+II UKUPNA SREDSTVA	31,983,044.00
		I PRIHODI IZ TEKUĆE GODINE	24,267,616.00
710000		PRIHODI OD POREZA	18,378,484.00
	714100	Porez na imovinu	9,200,000.00
		714130 Porez na promet nepokretnosti i prava	9,200,000.00
	717100	Prihodi od indirektnih poreza	9,178,484.00
		717151 Prihodi od indirektnih poreza koji pripadaju Gradu Sarajevu	9,178,484.00
720000		NEPOREZNI PRIHODI	1,172,000.00
	721100	Prihodi od nefinansijskih javnih preduzeća i finansijskih javnih institucija	800,000.00
		721111 Prihodi od dividendi i udjela u profitu u javnim preduzećima i finansijskim institucijama	800,000.00
	721200	Ostali prihodi od imovine	1,000.00
		721211 Prihodi od kamate za depozite u banci	1,000.00
	722300	Komunalne naknade i pristojbe	30,000.00
		722320 Općinske komunalne takse	30,000.00
	722600	Prihodi od pružanja javnih usluga i vlastiti javni prihodi	241,000.00
		722642 Vlastiti prihodi od iznajmljivanja poslovnih prostora,	45,000.00
		722643 Vlastiti prihodi od iznajmljivanja drugih nepokretnosti (stanovi, garaže)	6,000.00
		722643 Vlastiti prihodi od iznajmljivanja drugih nepokretnosti, (upotreba imena Grada)	90,000.00
		722651 Vlastiti javni prihodi od prodaje usluga, pristupa i korištenja (Odluka o vodotocima)	100,000.00
	722700	Neplanirane uplate-prihodi	90,000.00
		722761 Uplaćene refundacije	10,000.00
		722791 Ostale neplanirane uplate	80,000.00
	723100	Novčane kazne	10,000.00
		723100 Novčane kazne	10,000.00
730000		TEKUĆI TRANSFERI (TRANSFERI I DONACIJE)	4,717,132.00
	731100	Primljeni tekući transferi od inostranih vlada	85,340.00
		731111 Primljeni tekući transferi od inostranih vlada	41,084.00
		731121 Primljeni tekući transferi od međunarodnih organizacija	44,256.00
	732100	Primljeni tekući transferi od ostalih nivoa vlasti	466,217.00
		732112 Primljeni tekući transferi od Federacije	
		732114 Primljeni tekući transferi od Kantona	
		732114 Obnova i rekonstrukcija Bistričkog potoka	256,217.00
		732116 Primljeni tekući transferi od Općina	10,000.00
		732114/16 Doček Nove godine	200,000.00
	733100	Donacije	0.00
		733112 Donacije od pravnih lica	
	742100	Primljeni kapitalni transferi od ostalih nivoa vlasti	4,165,575.00
		742112 Primljeni kapitalni transferi od Federacije	125,000.00
		742114 Primljeni kapitalni transferi od Kantona	2,728,810.00
		742116 Primljeni kapitalni transferi od Općina	1,311,765.00
810000		II PRIMICI	3,886,712.00
	814300	Primici od domaćeg zaduživanja	3,886,712.00
		814331 Prenesena kreditna sredstva Razvojne banke iz 2020. godine	3,886,712.00
590000		NERASPOREĐENI VIŠAK PRIHODA I RASHODA	3,828,716.00
	591100	Neraspoređeni višak prihoda i rashoda	3,828,716.00
		591111 Ukupan višak prihoda nad rashodima prenesen iz prethodnih perioda	3,828,716.00